

# Kodak Color Control Patches

Cyan

Green








Yellow

Red

Magenta


White

3/C



434  
437-3  
部





函 / 册 書号 5815B

隋書經籍志補



隋書經籍志補序

隋經籍志聚梁陳齊周隋五代諸人著作爲志二卷爲書八萬九千六百六十六卷而兩漢魏晉之書並列其中至後魏齊周諸人所著見於各傳暨北史唐志者隋志類多逸漏天後魏諸朝立國北土雖修短不同其時人物若劉芳徐遵明熊安生樂遜之經學宋顯劉昉楊休之辛彥之之史志張淵信都芳劉焯何妥之曆算其文辭一門若後魏之高閏李彪袁翻常景祖瑩楊謙之北齊之樊遜李廣盧詢祖北周之柳弘薛慎隋之王貞杜臺卿辛德源皆才



擅專長名高當世唐初修史時諸家之書或副本未傳或  
公論未彰貴遠賤近收錄遂寡抑知大戴作注景裕始發  
其凡七曜推步劉焯咸悉其奧遵明爲北學大宗安生乃  
三禮專家六藝嫻習延明學著於敦煌緯候博通業興名  
高于上黨杜輔玄善談名理蘇景順才抗山東治道一集  
見重蜀王正藏百篇爲世文軌其人皆當時無兩其書深  
慨乎不傳今據諸人本傳所載得經說九十二部史錄六  
十部子類五十五部專集七十二家雜文三十篇編目既  
錄姓字益彰爰依隋志分類補入有論證者悉爲寫錄佚

文搜輯請俟異日光緒甲辰冬月張鵬一識



隋書經籍志補卷一

富平張鵬一編

經部

周易注 後魏敦煌劉昫 本傳云著三史略記百三十

篇八十四卷敦煌實錄二十卷 志已錄 方言三卷靖恭堂

銘一卷注周易韓子人物志黃石公三略行於世北史

同

玉函山房輯遺周易劉氏注曰魏書本傳云昫字延明

敦煌人隱居酒泉不應州郡之命弟子受業者五百餘





人李嵩署爲儒林祭酒從事中郎注周易行於世蒙遜  
平酒泉拜秘書郎築陸沉館於西苑躬往禮焉號元處  
先生月致羊酒牧犍尊爲國師親自致拜命官屬以下  
皆北面受學焉世祖平涼州拜樂平王從事中郎然則  
其人蓋北方之彥以著作名世者史於注易不言卷數  
隋唐志皆不著錄幸於陸德明釋文得其一節斷珪殘  
璧少而益珍與盧氏注考爲景裕撰者比次以存北學  
晒易注外尙有敦煌實錄二十卷今亦佚別爲蒐輯入  
雜傳焉

易集解

後魏廣平游肇

本傳肇耽好經傳手不釋書

治周易毛詩尤精三禮爲易集解撰冠昏儀白圭論詩  
賦表啟凡七十五篇北史同

周易注

後魏范陽盧景裕

北史本傳景裕注周易尙

書孝經論語禮記老子其毛詩春秋左氏未訖 魏書

本傳齊文襄入朝於第開講招延時雋令景裕解所注  
易景裕理義精微吐發閑雅又云景裕雖不聚徒教授  
所注易大行於世

王朗易注

後魏敦煌闕駟

本傳云注王朗易傳撰十



三州志志已錄沮渠蒙遜甚重之

易注 北齊河間權會 本傳少受鄭易探賾索隱妙盡幽微詩書三禮文義該洽兼明風角妙識玄象注易一部行於世 又云會每占筮大小必中但用爻辭象象以辨吉凶易占之屬都不經口

周易上下繫注 北齊中山杜弼 本傳云本京兆杜陵人臺卿其次子也 北史本傳云注莊子惠施篇并周易上下繫辭曰新注義苑行於世

周易義記 梁蕭歸 隋書本傳

周易講疏三卷 隋西城何妥 北史本傳妥撰周易講疏三卷孝經義疏二卷莊子義疏四卷與沈重等撰三十六科鬼神感應等大義九卷封禪書一卷樂要一卷

志已錄文集十卷志已錄並行於世

周易義例 隋渤海李鉉 北史本傳鉉字寶鼎從浮陽李周仁受毛詩尚書章武劉子猛受禮記常山房蚪受周官儀禮漁陽鮮于靈馥受左氏春秋又以鄉里無可師遂詣大儒徐遵明受業居徐門下五年稱高第撰定孝經論語毛詩三禮義疏及三傳異同周易義例合三



十餘卷

以上易

尚書王肅注音

後魏彭城劉芳

北史本傳芳撰鄭玄

注周官儀禮音干寶注周官音何休注公羊音范甯注

穀梁音韋昭注國語音范曄注後漢書音各一卷辨類

三卷徐州人地記二十卷急就篇續注音義証三卷毛

詩箋音義證十卷

志已錄

禮記義證十卷

志已錄

周官儀禮

義證各五卷

尚書注

盧景裕詳上

尚書義疏

後周蕭瓛

尚書注

隋河南宇文弼

古文尚書疏二十卷

隋餘杭顧彪

以上書

毛詩拾遺

後魏渤海高允

毛詩序義注一卷章句疏三卷

後魏博陵劉獻之 本

傳云魏承喪亂之後五經大義雖有師說而海內諸生

多有疑滯咸決於獻之六藝之文雖不悉注然所標宗

旨頗異舊義撰三禮大義四卷

隋志有不著姓名

三傳略注三卷



毛詩序義注一卷行於世並立章句疏二卷注皇樂經  
未就而卒又云獻之善春秋毛詩

毛詩音二卷 後周吳郡沈重 本傳云重學業該博為

當世儒宗至於陰陽圖緯道經釋典靡不博綜又多所

撰述咸得指要著周禮義三十一卷 志已錄 作四十 儀禮義三十

五卷禮記義三十卷 志已錄 作四十 毛詩義二十八卷 志已錄 作義疏 喪服

經義五卷周禮音一卷儀禮音一卷禮記音二卷毛詩

音二卷

毛詩義疏 隋李鉉詳上

按隋志有毛詩義疏七種內四種不著撰者姓名其卷  
數有二十卷十卷不等疑鉉書卽在其內

以上詩

鄭玄注周官儀禮音 劉芳詳上

干寶注周官音一卷 同上

周禮音一卷 沈重詳上

儀禮音二卷 同上

禮記音二卷 同上

周官儀禮義證各五卷 劉芳詳上



周官義疏二十卷 後周長樂熊安生 本傳安生初從

陳達受三傳又從房蚪受周禮並通大義後事徐遵明

服膺歷年東魏天平中受禮於李寶鼎遂通五經然專

以三禮教授弟子自遠方至者千餘人乃討論圖緯据

撫異聞先儒所未悟者皆發明之撰周禮義疏二十卷

禮記義疏三十卷孝經義一卷並行於世其受業擅名

於後者有馬榮伯張黑

北史作賈

奴寶士榮孔寵劉焯劉炫

等

禮記義疏四十卷 同上

玉函山房輯遺熊氏禮記義疏序云戴記自分門王鄭

晉字迄於周隋傳禮業者江左尤盛北人有徐遵明李

業興李寶鼎侯聰之徒皆爲義疏而惟熊氏見於世北

史云義疏三十卷隋志不著錄唐書藝文志云四十卷

今輯遺爲四卷孔氏正義與皇侃並論謂熊違背本經

多引外義猶之楚向北行馬雖疾而去愈遠矣又欲釋

經文惟聚難義猶治絲而棼之手雖繁而絲益亂也又

謂以熊比皇皇氏勝然正義以皇氏爲本其有不備以

熊氏補焉則既經剪繁摘要佚說之存固皆文證詳悉



義理精審者矣

三禮大義四卷 劉獻之詳上

按隋志有三禮大義四卷不著撰人姓名疑即獻之著也

三禮義疏 李鉉詳上

禮疏一百卷 隋吳郡褚輝

喪服要記 後魏敦煌素敞 本傳敞爲劉昉助教以喪

服散在衆篇遂撰比爲喪服要記北史同

喪服論 後魏河東柳玄達 魏書裴叔業傳云玄達曾

著大夫論備陳叔業背逆歸順契闊危難之旨又著喪服論約而易尋文多不錄

難王儉喪服集記七十餘條 後魏范陽盧道虔 見北

史盧玄傳

喪服經義五卷 沈重詳上

喪服章句一卷 後周趙郡李公緒 見李渾傳

喪服義三卷 隋張冲

以上三禮

大戴禮注 後周范陽盧辯 本傳辯以大戴禮未有解



詁辯乃注之其兄景裕爲當時碩儒謂辯曰昔侍中注小戴今爾注大戴庶纂前修矣北史同

鄭玄六藝論曰戴德傳記八十五篇則大戴禮是也鄭注小戴不注大戴故小戴禮合周禮儀禮至今稱爲三禮而大戴禮漸至亡佚八十五篇隋志所錄已佚其四十七篇盧辯注亦僅存八卷四庫提要司馬貞曰大戴禮合八十五篇其四十七篇存亡三十八篇蓋夏小正一篇多別行隋唐間錄大戴禮者或闕其篇是以司馬貞云然原書不別出夏小正篇實闕

四十六篇存者宜爲三十九篇中興書目乃言存四十篇則竄入明堂篇題自宋人始矣書中夏小正篇最古其諸侯遷廟諸侯釁廟投壺公冠皆禮古經遺文又藝文志曾子十八篇久逸是書猶存其十篇自立事至天圓篇題中悉冠以曾子者是也皮錫瑞三禮通論曰大戴禮記合十三經爲十四經見於史繩祖學齋佔畢是宋時常立學以注者爲北周盧辯見王應麟困學記聞近人注此書者乃有孔廣森王聘珍二家阮文達皆以用力勤爲功鉅許之序王聘珍



書以爲孔僞約所未及其稱許又在孔書之上

明堂圖說二卷 後魏渤海封伯偉 封軌傳時將經始

明堂廣集儒學議其制度九五之論久而不定偉伯乃披揀經緯上明堂圖說六卷

明堂圖議二卷粹疑一卷 隋河南宇文愷 本傳有明

議表一首

按魏初代都已建明堂其後遷洛復營明堂以李冲領將作大匠監其事裴處儻傳世宗時詔立明堂羣臣博議延儻獨著一堂之論太傅清河王懌時典禮志世宗

永平延昌中欲建明堂而議者或云五室李謐袁翻賈思伯議見本傳或云九室屬年飢遂寢熙平二年復議詔從五室及元議執政遂改營九室值世亂不成宗配之禮迄無所成北齊邢邵傳亦有請置學及立明堂奏隋書牛弘傳又詳論其制而未之行也皮錫瑞三禮通論古禮有聚訟千年至今日而始明者明堂辟雍封禪是也阮元曰辟雍與封禪是洪荒以前之大典禮最古不可廢者竊以上古未有衣冠惟用物遮膝前後有衣冠之制不肯廢古制仍留此以爲韍與冕並重此卽明



堂辟雍之例也上古未有宮室聖人制爲棟宇以蔽風  
雨帝王有之民間未必即有故其制如今之蒙古包帳  
房而又周以外水如今郵居之必有溝繞宅也古人無  
多宮室故祭天祭祖軍禮學禮布月令行政朝諸侯望  
星象皆在乎是故明堂太廟太學靈臺靈沼皆同一地  
就事殊名三代後制度大備王居在城內有前朝後市  
左祖右社之分又有大學等皆在城內而別建明堂於  
郊外以存古制如衣冠之有韎也鄭康成解爲太學太  
廟等各異處而不知城外原有明堂泰山下亦有之蔡

伯喈知明堂太廟等同處而不知此不過城外別建之  
處其實祭祀等事仍在城中此雖憑虛臆斷然博綜羣  
書究其實之如此也此明堂之說也

以上大戴禮

樂書二卷

後魏公孫崇

魏書樂志正始元年詔曰太

樂令公孫崇更調金石燮理音準其書二卷並表悉付

尙書

樂書七卷

後魏河間信都芳

魏書樂志正光中侍中

安豐王延明受詔監修金石博採古今樂事令其門生



河間信都芳考算之屬天下多難終無制造芳後乃撰  
延明所集樂說并諸器準圖說二十餘事而注之

器準圖  
三卷志

已不得在樂署考正聲律也  
錄

樂書百卷

北齊趙郡李神威

見李義深傳

樂典十卷

後周河南斛斯徵

本傳徵精三禮兼解音

律

樂志十五篇

隋武功蘇夔

北史本傳與鄭譯何妥議

樂得罪議寢不行著樂志十五篇以見志

以上樂

春秋義章三十卷

後魏華陰徐遵明

本傳陽平館陶

趙世業家有服氏春秋是晉世永嘉舊本遵明乃往讀  
之復經數載因手撰春秋義章三十卷

春秋序義

後周河東樂遜

本傳魏正光中從徐遵明

受孝經喪服論語詩書禮易左氏春秋大義又云周太  
祖召遜教授諸王子在館六年遜講論語毛詩及服虔  
所注春秋左氏傳著孝經論語毛詩左氏春秋序論十  
餘篇又著春秋序義通賈服說發杜氏違辭理並可觀

北史同



春秋攻昧十卷 隋河間劉炫 北史本傳內史送炫詣

吏部尚書韋世康問其所能炫自爲狀曰周禮禮記毛

詩尚書公羊左傳孝經論語孔鄭王何服杜等注凡十

三家雖義有精粗並堪講授周易儀禮穀梁用功差少

史子文集嘉言故事咸誦於心天文律曆窮數微妙至

於公私文翰未嘗假手吏部竟不詳試又云炫著論語

述義十卷 志已錄 春秋攻昧十卷五經正名十一卷 志已錄 孝

經述義五卷 志已錄 春秋述義四十卷 志已錄 尚書述義二十

卷 志已錄 毛詩述義四十卷 志已錄 注詩序 隋志作毛詩集小序 一卷算術一

卷並文集行於世 炫又有毛詩譜二卷隋志太叔求

及劉炫注本傳遺玉函山房輯遺序云炫著春秋規過

以攻杜氏杜注外衆說有不合者作此以駁難之攻昧

取尚書仲虺文也北史本傳載十卷隋志不著錄唐志

十二卷今佚孔氏正義引炫難賈逵何休服虔及或說

反覆摺擊攻昧之佚文也輯錄九節史稱炫強記默識

莫與爲儔又謂多自矜伐好輕侮當世書適肖其人矣

春秋規過三卷 同上

玉函山房輯佚云炫既作春秋左氏傳述義又摘杜義



中之失以正之自居乎杜氏之諍友故書名規過北史  
炫本傳及隋志並無此書之目唐志有三卷攷北史述  
議隋志作述義並四十卷唐志述議三十七卷規過三  
卷知北史隋志皆以規過附於四十卷內唐始分著之  
也今佚孔氏正義序謂規杜氏之失凡一百五十餘條  
而正義所引乃有一百七十餘條或有一條內連及數  
事正義分載各經傳注下者然其佚說固散見正義中  
矣輯爲二卷夫劉好非毀索垢求癥固不免煩碎錯亂  
之處亦有顯爲杜失而孔疏必委曲護之左杜右劉前

人固有定論已

春秋義略 張冲詳上 本傳云異於杜氏七十餘事

公羊何休注音 劉芳詳上

穀梁范甯注音 同上

公羊釋 後魏渤海高允 北史本傳允所製詩賦詠頌

箴論贊誄左氏釋公羊釋毛氏拾遺雜解議何鄭膏肓

事凡百餘篇別有集志已錄行世又云允明算法爲算術

三卷

左氏釋 同上



駁杜氏春秋難十卷 賈思同 本傳云國子博士遼西

衛冀隆爲服氏之學上書難杜氏春秋六十三事思同復駁冀隆乖錯者十一條互相是非積成十卷詔下國學集諸儒考之事未竟而思同卒

左傳服注釋謬 北齊上黨李崇祖 北史本傳姚文安

難服度左傳解七十七條名曰駁妄崇祖申明服氏名

曰釋謬

皮錫瑞春秋通論曰南北分立時代江南左傳則杜元凱河洛則服子慎當時有甯道孔孟誤諱言鄭服非之

語則服注盛行可知據世說新語云鄭君作左氏傳注未成以與子慎則鄭服之學本是一家北方諸儒徐遵明傳服注傳其業者有張買奴馬敬德邢峙諸人衛冀隆申服難杜劉炫作春秋述義攻昧規過以規杜氏惟姚文安排斥服注南方則崔靈恩申服難杜虞僧誕又申杜難服以答靈恩秦道靜亦申杜以答衛冀隆杜預元孫坦與弟驥爲青州刺史故齊地多習杜義蓋服杜之爭二百餘年至唐始專宗杜杜作集解別異先儒自成一家之學唐作正義掃棄異說如駁劉炫以申杜又



專用杜氏一家之學自是之後治春秋者既非孔子之學亦非左氏之學又非賈服諸儒之學止是杜預一家春秋三傳述十卷 後魏頓邱李彪

三傳略例三卷 劉獻之 北史同

三傳經說同異比較 後魏隴西辛馥 見辛紹先傳云

書未就北史同

三傳異同 李鉉

春秋三傳注三十卷 隋隴西辛德源

左氏傳刊例十卷 北齊河間張思伯 北史本傳云善

說左氏傳爲馬敬德之次撰刊例十卷行於世

以上春秋三傳

孝經注 虞景裕詳上

孝經注 後魏河北陳奇 本傳奇常非馬融鄭玄解經

失旨志在著述五經始注孝經論語頗傳于世爲搢紳

所稱

孝經解詁難例 封偉伯詳上 本傳太尉清河王愉爲

孝經解詁命偉伯爲難例九條皆發揮隱漏偉伯又討

論禮傳詩易疑事數十條儒者咸稱之



孝經問疑一卷 樊深

孝經義疏一卷 熊安生

孝經序論 樂遜

孝經注 宇文弼

孝經義三卷 張冲

孝經義記 宇文歊

孝經義疏 李鉉

孝經義疏一部 隋牛原明克讓 北史本傳著孝經義

疏一部古今帝代記一卷文類四卷續名僧記一卷集

二十卷

以上孝經

論語注 盧景裕

論語注 陳奇 本傳奇所注論語外生常矯之傳掌未

能行於世其義多異鄭玄往往與司徒崔浩同北史同

論語序論 樂遜

論語章句二十卷 新舊唐書志作十二卷

劉炫

論語義十卷 張冲

論語義疏 李鉉



詩禮別義 信都芳

五經異同評一卷 後魏敦煌張通 本傳云爲儒者所

稱北史同

五經異義 辛彥之

五經注 崔浩 本傳云著作令史閔湛趙郡鄒標素諂

事浩乃請立石銘刊載國書并勒所注五經浩贊成之  
恭宗善焉遂營於天郊東三里方百三十步用功三百  
萬乃訖又高允傳云著作令史閔湛鄒標性巧佞爲浩  
信待見浩所注詩論語尙書易遂上疏言馬鄭王賈雖

述六經並多疏謬不如浩之精微乞收境內諸書藏之  
秘府班浩所注命天下習業並求勒浩經禮傳令後生  
得觀正義浩亦薦湛有著述才旣而勸浩刊所撰國史  
于石用垂不朽欲以彰浩直筆之跡允聞之謂著作郎  
宗欽曰閔湛所營分寸之間恐爲崔門萬世之禍吾徒  
無類矣未幾而難作

五經辨疑十卷 後魏清河房景先 本傳云景先作五

經疑問百餘篇其言該典今行於世文多略舉其切於  
世教者又云符璽卽王神貴答之名爲辨疑合成十卷



亦有可觀節閔帝時奏上之帝親自執卷與神貴往復  
嘉其用心

五經述義 隋信都劉焯 本傳云焯字士元與河間劉  
炫結盟爲友同受詩於同鄉劉軌思受左傳於廣平郭  
懋常問禮於熊安生皆不卒業而去又賈馬王鄭所傳  
章句多所是非九章算術莫不覈其根本窮其秘奧撰  
稽極十卷歷書十卷五經述義並行於世劉炫聰明博  
學名亞於焯時人稱二劉焉

七經異同說三卷 樊深

按玉函山房輯七經義綱一卷自序云七經異同卽隋  
志之七經論北史儒林傳稱深撰七經異同三卷隋志  
載有五經大義十卷七經義綱二十九卷七經論三卷  
質疑五卷七經論卽七經異同唐志惟載義綱質疑二  
書而作七經義綱略論三十卷本傳云子義綱與書名  
正同今其書佚輯錄三節附本傳爲卷云云考七經論  
卷數雖與七經異同相符而他無可證姑存之

七經論 後周武功蘇綽

以上五經總義



急就篇續注音義證三卷 劉芳

悟蒙章 後魏代人陸暉 陸侯傳暉擬急就篇爲悟蒙章及七誘七醉章表數十篇

字略五卷 北齊廣平宋世良

刊定六體書 後周南陽趙文深等 本傳云太祖以隸

書紕繆命文深與黎李明沈遐等依說文及字林刊定六體成一萬餘言行於世

字辯 李鉉 北史本傳炫以去聖久遠文字多有乖謬於講授之暇遂覽說文蒼雅刪正六藝經注中謬字名

### 曰字辯

韻纂三十卷 隋吳郡潘徽 本傳云陳滅爲州博士秦

孝王俊聞其名召爲學士嘗從後朝京師在塗令徽於馬上爲賦行一驛而成名曰述思賦俊覽而善之復令爲萬字文並遣撰集字書名爲韻纂徽爲序曰文字之來尙矣初則羲皇出震觀象緯以法天次則史頡佐軒察蹄迹而取地於是八卦爻始爻文斯作繩用旣息墳籍生焉至如龍筮授河龜威出洛絲緜白檢述助華之運金繩玉字表殷夏之符卸甲示於姬壇吐卷徵於孔



室莫不理包遠邇迹會幽明仰協神功俯照人事其制  
作也如彼其祥瑞也如此故能宣流萬代正名百物爲  
生民之耳目作後王之模範頌美形容垂芬篆素暨大  
隋之受命也追蹤三五並曜星辰外振武功內修文德  
飛英聲而勒嵩岱彰大定而銘鐘鼎春秋羽盛禮樂  
於膠庠省俗觀風採歌謠於唐衛我秦王殿下降靈霄  
極稟秀天機質潤圭璋文兼黼黻楚詩早習頗屬懷於  
言志沛易先通每留神於索隱尊儒好古三雍之對已  
適博物多能百家之工彌治遨遊必名教漁獵唯圖史

加以降情引汲擇善芻微築館招賢攀枝佇異剖連城  
於井里賁束帛於丘園薄技無遺片言便賞所以人加  
脂粉物競琢磨俱報稻粱各施鳴吠于時歲次鶉火月  
躔夷則驂駕務隙靈光意靜前臨竹沼却倚桂巖泉石  
瑩仁智之心煙霞發文彩之致賓僚霧集教義風靡乃  
討論羣藝商略衆書以爲小學之家尤多舛雜雖復周  
禮漢律務在貫通而巧說邪辭遞生同異且文訛篆隸  
音謬楚夏三蒼急就之流微存章句說文字林之屬唯  
別體形至於尋聲推韻良爲疑混酌古會今未臻功要



未有李登聲類呂靜韻集始判清濁纔分宮羽而全無  
引據過傷淺局詩賦所須卒難爲用遂躬紆睿旨撰摘  
是非撮舉宏綱裁斷篇部總會舊轍創立新意聲別相  
從卽隨注釋詳之詰訓證以經史備包騷雅博牽子集  
汗簡云畢題爲韻纂凡三十卷勒成一家方可藏彼名  
山副諸石室見羣玉之爲淺鄙懸金之不定爰命末學  
製其都序微業術已寡思理彌殫心若死灰文慙生氣  
徒以犬馬識養飛走懷仁敢執顛沛之辭遂操狂簡之  
筆而齊魯富經學楚鄭多良士西河之彥幸不誚於索

居東里之才請能加於潤色

以上小學



隋書經籍志補卷二

富平張鵬一編

史部

三史略記百三十篇八十四卷 後魏劉昫 本傳云以

三史文繁著略記

隋志有張溫三史略二十九卷錢大昕養新錄曰三史  
謂史記漢書及東觀記也吳志晉書屢引之自唐以來東  
觀記失傳乃以范蔚宗書當三史之一

帝王世紀注 後魏元延明



帝錄二十卷 後魏任城王順

帝王略注百篇 燕國平恒 本傳自周以降暨于魏世

帝王傳代之由貴臣升降之緒皆撰錄品第商略是非  
號曰略注合百餘篇好事者覽之咸以爲善北史同

科錄二百七十卷 後魏元暉 魏書昭成子孫傳元暉

愛文學招集儒士崔鴻等撰錄百家要事以類相從名  
爲科錄凡二百七十卷上起伏義迄于晉宋凡十九代  
暉疾篤表上之神龜元年卒

歷帝圖五卷 後魏清河張彝 本傳云起庖犧終于晉

末凡十六代百二十八帝歷三千二百七十年雜事五  
百八十九合成五卷名曰歷帝圖亦謗木諫鼓虞人盤  
孟之之類宣武善之北史同

前漢功臣序贊 後魏李師尚 北史作李仲尚年二十  
著前漢功臣序贊及季父司空冲誄

前漢書義十二卷 張冲

漢書刊繁三十卷 隋 于仲文

魏志三十卷 後清河張始均 張彝傳云改陳壽魏志  
爲編年之體廣益異聞爲三十卷又著冠帶錄諸詩賦



數十篇並亡矣北史同

王隱晉書注 隋敦煌宋繪 見宋顯傳云魏時張緬晉

書未入國繪依準裴松之注國志體注王隱晉書及中

興書又撰中朝多士傳十卷姓系譜五十篇以諸家年

歷不同多有紕繆乃刊正異同撰年譜錄未成河清五

年並遭水濕

燕記 後魏崔逞 本傳云慕容暉時郡舉上計掾補著

作郎撰燕記

燕書 後魏勃海封懿

國統 後魏北地梁祚 本傳撰並陳壽三國志名曰國統

國書三十卷 崔浩等 本傳云初太祖詔鄧淵撰國記

十餘卷

洲傳云惟次年月起居行事而已未有體例

逮于太宗廢而不述神慶二年

詔諸文人撰錄國書浩及弟覽高謙鄧穎晁繼范耳黃

輔等共參著作敘成國書三十卷 又云眞君十一年

誅浩初鄒櫟等立石銘刊國記浩盡述國事備而不典

石銘顯在衢路往來行者咸以爲言事遂聞發有司按

驗浩取秘書郎吏及長歷生數百人意狀結伏受賊其

秘書郎吏已下盡死



梁史百卷 後周蘭陵蕭欣

齊記二十卷 隋博陵杜臺卿 本傳云有集十五卷齊

記二十卷行於世

齊書五十卷 梁高陽許亨 隋書許善心傳云父亨昔

在前代早懷述作凡撰齊書五十卷

齊書紀傳一百卷 隨太原王劭 本傳初撰齊志爲編

年體二十卷復爲齊書紀傳一百卷及平賊記三卷北

史同

按北史劭本傳論以爲劭久在史官既撰齊書兼脩隋

典好詭怪之說當委曲之譚文詞鄙穢體統煩雜而劉  
知幾史通載言篇則云王劭撰齊隋二史其所取也文  
皆詣實理多可信至于悠悠飾詞皆不之取於言語篇  
云王宋<sup>上</sup>著書敘元高時事抗詞正筆務存直道方言  
世語由此畢彰當時論史各持意見如此見錢大昕養  
新錄

北齊末修書二十四卷 隋博陵 李德林

以上正雜史

皇詔十八篇 魏書皇后列傳文明皇后馮氏承明元年



尊爲太皇太后太和時太后以高祖富於春秋作勸誠  
歌三百餘章又作皇詔十八篇 南齊書魏虜傳太后  
馮氏

皇詔十八篇僞左僕射李思冲稱史臣注解

國典十八篇 後魏太原王慧龍 本傳云撰帝王制度

十八篇號曰國典

皇詔宗制並訓詁一卷 後魏任城王澄

門下詔書四十卷 後魏河內常爽

太和後朝儀五十餘卷

魏方司格一卷

冠昏儀 後魏游肇詳上

北齊五禮 北齊 趙郡李繪等 李渾魏收傳並云

繪徵至洛時勅侍中西河王秘書監常景選儒學十人

緝撰五禮繪與太原王乂同掌軍禮

北齊吉禮七十二卷

北齊王太子喪禮十卷 北齊南陽趙彥深

按以上二禮當卽五禮中之一也

隋新禮一部 隋辛彥之 本傳有六官墳典各一部



隋禮要一部 同上

隋祝文一部 同上

以上刑法儀注

古今明妃賢后四卷 後魏元孚 見臨淮王傳

馮氏燕志孝友錄北史作傳各十卷 後魏昌黎韓憲宗

徐州人地錄二十卷 劉芳詳上

韓子人物志 劉昫 舊唐書藝文志作人物志三卷劉

劭撰劉昫注

顯忠錄二十卷 後魏中山李孫皎 北史李先傳先子

孫皎為清河王懌撰輿地圖及顯忠錄 魏書孝文五

王傳清河王懌以忠而獲謗乃鳩集古昔忠烈之士為

顯忠錄二十卷以見意焉 又韓麒麟傳子子熙與劉

定傅靈標張子慎伏闕上書曰清河王之忠誠款篤節

義純貞非但蘊藏胸襟實乃形於文翰搜括史傳撰顯

忠錄區目十篇分二十卷既欲彰忠心於萬代豈可為

逆亂於一朝云云

中朝多士傳十卷 宋繪

幽州人物志 北齊右北平陽休之 新唐書志作三十



卷舊書志作十二卷

關東風俗傳三十卷 北齊廣平宋孝王 見宋世軌傳  
云孝王求入文林館不遂因非毀朝士撰別錄二十卷  
會平齊改爲關東風俗傳更廣見聞勒成三十卷上之  
言多謬妄篇第冗雜無著述體

按史通書志篇云宋孝王關東風俗傳亦有墳籍志其  
所錄皆鄴下文儒之士讎校之司所列書名唯取當時  
撰者習茲楷則庶免譏嫌語曰雖有絲麻無棄菅蒯於  
宋生得之矣然則齊書之譏孝王未可信矣

中表實錄二十卷 北齊范陽盧懷仁 見盧潛傳北史

同

封氏本錄六卷 封偉伯

諫苑四十一卷 後周南陽樂運 本傳錄夏殷以來諫

諍事集而部之凡六百三十九條合四十一卷名曰諫  
苑隋文帝覽而嘉焉

以上雜傳

三晉記十卷 後魏太原王遵業 見北史王慧龍傳

輿地記 北史李先



西京記三卷 後周河東薛寘 本傳云引據該治世稱  
其博聞焉北史同

寓記三卷 後周蘭陵蕭大圖

東都圖記二十卷 隋河南宇文愷

鑿輿北巡記三卷 隋丹陽諸葛穎

幸江都道里一卷 同上

洛陽古今記一卷 同上

晉王北伐記十五卷 隋襄陽柳晉

東征記 隋博陵崔曠 本傳遼東之役授鷹揚長史置

遼東郡縣名皆曠之議也奉詔作東征記北史同

以上地理

親表譜錄四十餘卷 後魏渤海高諒 本傳云自五世

已下內外曲盡鑿者服其博記

代譜四百八十卷

姓系譜錄五十卷 宋繪

周皇室譜三篇 隋東海鮑宏 本傳初周武帝勅宏修

皇室譜一部分帝緒疎屬賜姓三篇

世譜 後周蘭陵蕭搆等 本傳武成中世宗令諸文



儒於麟趾殿校定經史仍撰世譜摛亦與焉

諸劉譜三十卷 隋河間劉善經 見本傳

以上譜系

甲乙新錄

後魏范陽盧昶

孫惠蔚傳云既入東觀

見典籍未周上疏曰臣聞聖皇之御世也必幽贊人經參天貳地憲章典故述遵鴻猷故易曰觀乎天文以察時變觀乎人文以化成天下然則六經白氏圖書秘籍乃承天之正術治人之貞範是以溫柔疏遠詩書之教恭儉易良禮樂之道爰象以精微爲神春秋以屬辭爲

化故大訓炳於東序藝文光於麟閣斯實太平之樞宗勝殘之要道有國之靈基帝王之盛業安上靖民敦風美俗其在茲乎及秦棄學術禮經泯絕漢興求訪典文載舉先王遺訓燦然復存暨光武撥亂日不暇給而入洛之書二千餘兩魏晉之世尤重典墳收亡集逸九流咸備觀其鳩閱史篇訪購經論紙竹所載畧盡無遺臣學闕通儒思不及遠徒循章句片義無立而慈造曲覃厠班秘省忝官承乏唯書是司而觀閣舊典先無定目新故雜糅首尾不全有者累帙數十無者曠年不寫或



篇第褫落始末淪殘或文壞字誤謬爛相屬篇目雖多  
全定者少臣請依前丞臣盧昶所撰甲乙新錄欲裨殘  
補闕損併有無校練句讀以爲定本次第均寫永爲常  
式其省先無本者廣加推尋搜求令足然經記浩博諸  
子紛綸部帙既多章篇紕繆當非一二校書歲月可了  
今求令四門博士及在京儒生四十人在秘書省專精  
校考參定字義如蒙聽許則典文允正羣書大集詔許  
之

七林

隋高陽許善心

本傳開皇十七年除秘書丞於

時秘藏圖籍尙多淆亂善心放阮孝緒七錄更製七林  
各爲總序冠於篇首又於部錄之下明作者之意區分  
其類例焉又奏追李文博陸法典等學者十許人正定  
經史錯謬

以上簿錄

子部

家誠 後魏清河張烈 本傳烈先爲家誠千餘言并自  
敘志行及所歷之官臨終勅子姪不聽求贈但勒家誠  
立碣而已其子賢奉行焉



家誨二十篇 後魏中山甄琛 本傳甄所著文章鄙碎

無大體時 有理詣磔四聲姓族 廢興會通 緇素三論

以上語有訛奪 及家誨二十篇 篤學文一卷 頗行於世 北史同

篤學文一卷 詳上

揚子法言注二十三卷 隋隴西辛德源

石子十卷 北齊中山石曜 本傳云亦以儒學進居官

至清儉著石子十卷甚淺俗

行孝論 後魏勃海刁雍

刁冲傳曾祖雍作行孝論以誠子孫稱古之葬者衣之

以薪不封不樹後世聖人易之棺槨其有生則不能致  
養死則厚葬過度及於末世遺篋裹尸僕而葬者確而  
爲論並非折衷既知二者之失豈宜同之當令所存者  
棺厚不過三寸高不過三尺弗用繒綵斂以時服轎車  
止用白布爲幔不加畫飾名爲清素車又去挽歌方相  
并明器雜物

以上儒家

道德經章句 後周涿郡盧光本傳范陽公辯之弟精三  
禮善陰陽解鐘律又好立言



老子道德經注二卷北齊中山杜弼本傳弼性好名理探  
味玄宗注老子道德經二卷上表言曰竊維道德二經  
闡明幽極旨冥動寂用周凡聖論行也清淨柔弱語迹  
也成功致治實衆流之江海乃羣藝之本根臣少覽經  
書偏所篤好雖從役軍府而不捨遊息鑽味既久斐文  
亶如有所見比之前注微謂異於舊說情發於中而彰  
諸外輕以管窺遂成穿鑿無取於遊刃有慚於運斤不  
足破秋毫之論何以解連環之結本欲止於門內貽厥  
童蒙兼以近資愚鄙私備忘闕不悟姑射疑神汾陽流

照蓋高之聽卑邇言在察春末奉旨猥蒙垂誘今上所  
注老子謹冒封呈并序如別又嘗與邢劭共論名理劭  
理屈而止北史本傳無注道德經事

莊子惠施篇注 同上

刪正博物志 後魏常景

家祭法 後魏崔浩 本傳云次序五宗蒸嘗之禮豐儉

之節義理可觀

酒訓 後魏高允

忠誥一篇 後魏趙郡李籍之 見李靈傳



物祖十五卷 後魏彭城劉懋 劉芳傳從子懋撰諸品

物造作之始

典言十卷 北齊趙郡李公緒 本傳云著典言質疑古

今略記玄子趙語俱行于世

按隋志已錄玄子五卷入道家類不著撰人姓名即公

緒書也又雜家類錄後魏人李穆叔典言四卷

質疑五卷 古今略記二十卷 趙語十三卷 同上

鑒誠二十四篇 北齊太安王紘

讀書記三十卷 隋王劭 本傳云摘錄經史謬誤爲讀

書記三十卷時人服其精博

神中錄圖新經 後魏上谷冠謙之

維摩十地二經義疏六卷 後魏東清河崔光本傳云每

爲沙門朝貴請講二 聽者常數百人

教戒二十餘篇 後魏刁雍 本傳云雍汎施愛士恬靜

寡欲篤信佛道著教戒二十餘篇以訓導子孫北史同

祇洹精舍圖偈注六卷 後魏源賀撰金城趙柔注 本

傳云隴西王源賀采佛經幽旨作祇洹精舍圖偈六卷

柔爲之注解爲當時俊僧所賞味



突厥語溫槃經 北齊代人劉世清 斛律羌舉傳世清  
能通四夷語爲當時第一後主命作突厥語翻溫槃經  
以遺突厥勅中書侍郎李德林爲其序

佛性論 後周蘇綽北齊僧明藏

按北史杜弼傳奉使詣闕魏帝問經中佛性法性同異  
弼曰正是一理又問曰說者妄皆言法性寬佛性狹如  
何弼曰在寬成寬在狹成狹若論性體非狹非寬詔曰  
旣言成寬成狹何得非狹非寬弼曰若定是寬則不能  
爲狹若定是狹亦不能爲寬以非寬非狹故能成寬成

狹所成雖異能成恒一上稱善明藏蘇綽二家之論今  
不傳當亦不出杜氏所云杜又有與邢邵論生死神形  
載北史本傳

華嚴義疏般若法華金光明義疏四十二卷 後周梁王

蕭警 見本傳

三教序 後周京兆韋叟 北史本傳周武帝以佛道儒  
三教不同詔叟辨其優劣叟以三教雖殊同歸於善其  
跡似有深淺其致理殆無等級乃著三教序奏之帝覽  
而稱善



大小乘幽微十四卷 隋蕭歸

法華玄經二十卷 隋柳晉 本傳仁壽初為東宮洗馬

以其好內典令撰法華玄宗為二十卷奏之太子覽而  
大悅

三十六科鬼神感應等大義九卷 隋何妥

以上雜家

黃石公二略 後魏劉昫詳上

兵法十二陣圓圖後魏源賀 本傳賀依古今兵法及先  
儒耆舊之說略採至要為十二陣圖上之顯祖覽而嘉

焉北史同

以上兵家

四術周髀宗二篇 後魏信都芳 北史本傳芳著樂書

遁甲經志已錄四序周髀宗其序曰漢成帝時學者問蓋

天揚雄曰蓋哉未幾也問渾天曰洛下閎為之鮮於妄

人度之耿中丞象之幾乎莫之息矣此言蓋差而渾密

也蓋器測影而造用之日久不同於祖故云未幾也渾

器量天而作乾坤大象隱見難變故云幾乎是時太史

令尹咸窮研晷蓋易古周法雄乃見之以為難也自昔



周公定影王城至漢蓋器一改焉渾天覆觀以靈憲爲文蓋天仰觀以周髀爲法覆仰雖殊大歸是一古之人制者所表天効立象芳以渾算精微術機萬首故約本爲之省要凡述二篇合六法名曰四術周髀宗

北史崔靈恩傳先是儒者論天互執渾蓋二義論蓋不合渾論渾不合蓋靈恩立義以渾蓋爲一焉

五星要決 後魏代人陸通 北史陸侯傳云通珍好易緯候之學撰五星要決及兩儀真圖頗得其要指

兩儀真圖 見上

諸家雜占七十五卷

後魏張深

魏書作淵

北史本傳永熙

中詔孫僧化校比天文書集廿石二家星經及漢魏以來二十三家經占集五十五卷後集諸家撮要前後所上雜占以類相從日月五星二十八宿中外官及天文圖合爲七十五卷

以上天文

黃帝辛卯曆術一卷

後魏李業興

北史本傳業興以

殷曆甲寅黃帝辛卯徒有積元術數亡缺又修之各爲一卷傳于世



殷甲寅曆術一卷 見上

九宮行基曆 同上 本傳九宮行基曆以五百爲章四千四十爲部九百八十七爲斗分還以己未爲元始終相維不復移轉與今曆法術不同至於氣序交分景度盈縮不異也

按北史業興傳有戊子元曆上之朝隋志有業興壬子元曆一卷甲子元曆一卷七曜歷疏一卷七曜義疏一卷又云業興晚乃師事徐遵明於趙魏之間後博涉百家圖緯風角天文占候無不討練尤長歷算然業興使

梁興朱異論南郊圓丘明堂喪禮諸事明悉典禮湛深經術漢世諸儒未能多讓固當時一大經師也

五寅元曆 後魏崔浩 律歷志真君中司徒崔浩爲五寅元曆未及施行浩誅遂寢本傳浩上五寅元曆表曰太宗卽位元年勅臣解急就章孝經論語詩尙書春秋禮記周易三年成訖復詔臣學天文星歷易式九宮無不盡看至今三十九年晝夜無廢臣稟性弱劣力不及健婦人更無餘能是以專心思書忘寢與食至乃夢共鬼爭義遂得周公孔子之要術始知古人有虛有實忘



語者多真正者少自秦始皇燒書之後經典絕滅漢高祖以來世人妄造歷術者有十餘家皆不得天道之正大誤四千小誤甚多不可言盡臣愍其如此今遭陛下太平之世除僞從真宜改誤歷以從天道是以臣前奏造歷今始成訖謹以奏呈唯恩者察以臣歷術宣示中書博士然後施用非但時人天地鬼神知臣得正可以益國家萬世之名過於三皇五帝矣

高允傳神廡後詔允與司徒崔浩述成國記以本官

待

郎領著作郎時浩集諸術士考校漢元以來日月薄蝕

五星行度并譏前史之失別爲魏歷以示允允曰天文歷數不可空論夫善言遠者必先驗於近且漢元年冬十月五星聚於東井此乃歷術之淺今譏漢史而不覺此謬恐後人譏今猶今之譏古浩曰所謬云何允曰案星傳金水二星常附日而行冬十月日在尾箕昏沒於申南而東井方出於寅北二星何因背日而行是史官欲神其事不復推之於理浩曰欲爲變者何所不可君獨不疑三星之聚而怪二星之來允曰此不可以空言爭宜更審之時坐者咸怪唯東宮少傅游雅曰高君長



於曆數當不虛也後歲餘浩謂允曰先所論者本不注  
心及更考究果如君語以前三月聚於東并非十月也

甲寅歷 後魏公孫崇 律曆志世宗景明中詔太樂令

公孫崇趙樊生共同考驗 崔浩五寅元歷 趙歐立始歷 正始四年冬崇

表曰世祖應期輯寧諸夏仍命故司徒東郡公崔浩錯

綜其數浩博涉淵通更修曆術著五行論是時故司空

咸陽公高允該覽羣籍贊明五緯并述洪範然浩等考

察未及周密高宗踐阼乃用敦煌趙歐甲寅之曆然其

星度稍爲差遠臣輒鳩集異同研其損益更造新曆以

甲寅爲元考其盈縮晷象周密又從約省起自景明因

名景明曆然天道盈虛豈曰必協要須參候是非乃可

施用太史令辛寶貴職司立象頗閑秘數秘書監鄭道

昭才學優瞻識覽該密長兼國子博士高僧裕乃故司

空允之孫世綜文業尚書祠部郎中宗景博涉經史前

兼尚書郎中崔彬微曉法術請此數人在秘省參候而

伺察咎度要在冬夏二至前後各五日然後乃可取驗

臣區區之誠冀效萬分之一

曆書 隋劉焯本傳焯優游鄉里專以教授著述爲務攷



攷不倦賈馬王鄭所傳章句多所是非九章算術周髀  
七曜曆書十餘部推步日月之經量度山海之術莫不  
覈其根本窮其秘奧著稽極十卷曆書十卷五經述  
義竝行於世

稽極十卷

算術三卷 後魏高允

重差勾股注 後魏信都芳 北史本傳芳後亦注重差

勾股復撰史宗

魏書僧化傳云  
合數十卷

算述一卷 隋劉炫

### 以上曆數

天文災異八篇 後魏勃海高允 本傳允表曰往年被

勅令臣集天文災異使事類相從約而可觀臣聞箕子

陳謨而洪範作宣尼述史而春秋著皆所以章明列辟

景測皇天者也故先其善惡而驗以災異隨其失得而

效以禍福天人誠遠而報速如響甚可懼也自古帝王

莫不尊崇其道而稽其法數以自修飭厥後史官並載

其事以爲鑒誠漢成時光祿大夫劉向見漢祚將危權

歸外戚屢陳妖眚而不見納遂因洪範春秋災異報應



者而爲其傳以感悟人主而終不聽察卒以危亡豈不  
哀哉伏惟陛下神武則天叡鑒自遠欽若稽古率由舊  
章前言往行靡不究鑒前皇所不逮也臣學不洽聞識  
見寡薄懼無以裨廣聖德仰酬明旨今謹依洪範傳天  
文志撮其事要略其文辭凡八篇世祖覽而善之曰高  
允之明災異亦豈減崔浩乎

宅經八卷

隋蘭陵蕭吉

見北史藝術傳

葬經六卷

同上

相經一十卷

隋京兆來和

同上

以上五行類

藥方三十五卷

後魏陽平王顯

術藝傳云世宗詔顯

撰藥方三十五卷班布天下以療諸疾

藥方百餘卷

後魏陽平李修等

術藝傳云太和時集

諸學士及工書者百餘人在東宮撰諸藥方百餘卷皆  
行於世

誰南王食經一百二十卷又食經音十三卷

隋諸葛頴

見唐書志

馬名錄二卷

同上



以上醫家

後魏明帝集一卷 隋志無舊唐書志有

任城王集 後魏任城王順 本傳撰帝錄詩賦表頌數

十篇多亡失 今本傳有魏頌文多不載有蠅賦一篇

李黃門集 後魏趙郡李騫 見李順傳云所著詩賦碑

誌別有集錄 今本傳有釋情賦贈盧元明魏收詩

刁持進集 後魏刁雍 本傳云所爲詩賦頌論并雜文

百餘篇 今本傳有請鑿薄骨律鎮富平河渠表造船

運穀沃野鎮表積穀表修禮樂表

邢光祿集 後魏河間邢虬 本傳云少爲三禮鄭氏學

明經有文思清河崔亮頓邱李平並與親善所作碑頌

雜筆三十餘篇

陸恭之集 後魏代郡陸恭之 陸侯傳恭之爲詩賦文

千餘篇北史同

盧太常集 後魏范陽盧道將 見盧玄傳云涉獵經史

頗有文才爲文筆數十篇北史同

趙寧朔集 後魏天水趙逸 北史本傳云著詩賦銘頌

五十餘篇



高刺史集三卷 後魏漁陽高閭 本傳云閭好爲文章

軍國書檄詔令碑頌銘贊百有餘篇集三十卷 北史作其四十卷

文亦高允之流後稱二高爲當時所服又本傳有至德

頌文一首表三首列女傳有魏溥妻房氏頌

游僕射集 後魏游肇 本傳云有詩賦啓七十五篇皆

傳於世又云肇謙廉不競撰儒碁以表其志有白圭論

崔吏部集 後魏博陵崔孝芬 崔挺傳云子孝芬著文

章數十篇

程兗州集 後魏廣平程駿 本傳云所集文筆自有集

錄駿師事劉昫有表三首慶國頌十六章得一頌十篇

北史同

楊博士集 後魏天水楊謙之 本傳謙之與袁翻常景

鄆道元溫子昇之徒咸中歛舊撰沮渠涼書十卷見隋

志又所著文章百餘篇別有集錄謙之妻中山張敖勸

諸子從師受業常誡之曰自我爲汝家婦未見汝父一

日不讀書汝等宜各修勸勿替先業

李中尉集 後魏李彪 本傳云所著詩頌賦誄章奏雜

筆百餘篇別有集



李僕射集 頓丘李平 本傳云所製詩賦箴諫頌詠別

有集錄北史同

崔太保集五十餘卷 後魏東清河崔光 本傳云所爲

詩賦銘贊誄頌表啟數百篇五十餘卷別有集北史同

今本傳有表七首

高光祿集 後魏勃海高聰 本傳云所作文筆二十卷

別有集

裴參軍集 後魏河東裴景融 見裴延雋傳云景融雖

才不稱學而緝綴無倦文詞汎濫理會處寡所作文章

別有集錄又造鄴都晉都賦云

袁尚書集 後魏陳郡袁翻 本傳云文筆餘篇行於世

有修明堂辟雍箴戍邊議忠歸賦安置蠕蠕二王 轉

都官謝表

祖秘書集 後魏范陽祖祖瑩本傳云瑩以文章見重常

語人云文章須自出機杼成一家風骨何能共人同生

活也文集行於世今本傳有悲彭城一首

馮光祿集 後魏魏郡馮元興 本傳云隨父僧集在平

原就中山張吾貴常山房虬學通禮傳頗有文才文集



百餘篇

常秘書集

後魏河內常景

本傳云撰高顯碑銘崔光

奏曰常景名位在諸人之下文出諸人之上遂以景文

刊石著述數百篇行於世北史本傳云刪正管張華博

物志及撰儒林列女傳各數十篇今本傳有公主家

令持服議有司馬相如王褒嚴君平楊子雲四賢贊高

允遺德頌洛汭銘鑒象贊

封郎中集

後魏勃海封肅

本傳云所製文章多亡失

存者十餘卷

邢常侍集

後魏河間邢昕

本傳云所著文章自有集

錄北史同

邢太守集

後魏河間邢臧

北史本傳撰古來文章並

敘作者氏族號曰文譜未就病卒其文章凡百餘篇

蔣都水集

後魏樂安蔣少游

柳晉州集

後周解縣柳弘

本傳云弘卒楊素誄之曰

山陽王弼風流長逝潁川荀粲零落無時修竹夾池永

絕梁園之賦長楊映沼無復洛川之文其為士友痛惜

如此有文集行于世北史同



盧開府集

後周范陽盧柔

本傳作詩頌碑銘檄表啓

行于世數十篇北史同

唐內史集

後周北海唐瑾

北史本傳撰賦頌碑誄二

十餘萬言新儀十篇

薛刺史集

後周河東薛慎

本傳云文集爲世所傳又

云太祖於諸生中簡德行淳懿者侍讀書慎與李璨及隴西李伯良辛韶武功蘇衡譙郡夏侯裕安定梁曠梁禮河南長孫璋河東裴舉薛回滎陽鄭朝等十二人並應其選北史同

呂思禮集

後周東平呂思禮

本傳云沙苑之捷命爲

露布食頃便成太祖歎其工而速所爲碑誄表頌并傳于世又云年十四受學于徐遵明長於論難北史同

薛刺史集

後周河東薛寶

本傳云文筆二十餘卷行

于世北史同

蘇侍中集

後周武功蘇亮

本傳云亮初舉秀才至洛

陽遇河內常景景深器之退而語人曰秦中之學可以抗山東者將此人乎與從弟綽俱知名世稱二蘇

柳秘書集

後周河東柳蚪

本傳云文筆數十篇行于



世有論史事疏又云時人論文體有古今之異糾以爲時有今古非文有今古乃爲文質論北史同

顏刺史集十卷 後周琅邪顏之儀 本傳云有文集十

卷行于世又云嘗獻神州頌於梁元帝

蕭將軍集十卷 後周蕭圓肅 本傳云有文集十卷今

有少傳箴一首北史同

蕭太守集二十卷 後周蘭陵蕭大圖 見本傳

劉司錄集二十卷 後周沛國劉璠 本傳云著梁典三

十卷志有集二十卷行于世北史同

梁王蕭譽集十五卷 見本傳

蕭中丞文集三十卷 後周蘭陵蕭獻

蕭特進集三十卷 後周蕭大寶 見北史

傅太常集二十卷 後周北地傅淮 傳云有文才善詞

賦仕于蕭譽

蔡司空集 後周濟陽蔡大寶 仕于蕭察

甄吏部集二十卷 後周中山甄玄成 仕于蕭察北史同

岑尚書集十卷 後周南陽岑善方 仕于蕭歸北史同

蕭僕射集三十卷 後周蕭欣 仕于蕭歸



范常侍集十卷 後周順陽范迪 仕于蕭歸

王尚書集二十卷 北齊華山王昕 本傳云王猛六世

孫家于華山之郾城有文集二十卷北史同

樊散騎集 北齊河東樊遜 本傳有清德頌十首升中

紀號對求才客飲對釋道兩教對刑罰寬猛對禍福報

應對刊定秘府書籍議

楊驃騎惜集 北齊弘農楊惜 本傳云所著詩賦表奏

書甚多誅後散失門生鳩集所得者萬餘言北史同

陸吏部印集十四卷 北齊陸印 本傳云文章十四卷

行于世齊之郊廟諸歌多印所製

盧記室集 北齊盧懷仁 盧潛傳從祖兄懷仁卜居陳

留界所著有詩賦銘頌二萬餘言又撰中表實錄二十

卷北史同

陽刺史集三十卷 唐志作二十卷 北齊陽休之 本傳云文集行

于世按祖鴻勳傳有致休之書一篇

李記室集十卷 北齊范陽李廣 見文苑傳畢義雲集

其文筆十卷 北史作七卷 託魏收為之敘

盧司徒記室集十卷 北齊范陽盧訶祖 見盧文偉傳



北史本傳詢祖爲破蠕蠕賀表有句云昔十萬橫行樊將軍誦而受屈五千深入李都尉降而不歸時重其工又有築長城賦魏書本傳有文集十卷

盧侍郎集 北齊范陽盧思道 本傳云有文宣帝挽歌八篇孤鴻賦一篇有集二十卷行于世北史同

顏黃門集三十卷 北齊琅邪顏之推 本傳云之推集子思魯自爲序錄 今本傳有觀我賦一篇

杜著作郎集十五卷 隋博陵杜臺卿 見本傳 按臺卿爲杜弼次子本京北杜陵人

劉儀同集 隋沛國劉臻 本傳臻精于兩漢書時人稱

漢聖

王參軍集十卷 隋王頰 本傳撰五經大義三十卷有集十卷并兵亂無存

辛諮議集二十卷 隋辛德源 本傳蜀王秀聞其名奏以爲掾轉諮議參軍卒官有集二十卷

孫司直集十卷 隋信都北史作武邑武遂人孫萬壽 本傳有贈京

邑知友詩就能安生受五經畧通大義

王主簿集三十三卷 隋梁郡王貞 本傳齊王暕有書



召之又索文集貞有謝啓一首 北史本傳貞後上江

都賦王賜錢十萬貫良馬二匹

庾舍人集十卷 隋潁川庾自直 本傳云能屬文於五

言詩尤善

杜秀才文百篇 隋鄴郡杜正藏 見本傳本京兆人八

世祖曼爲石趙從事郎中因家於鄴與兄正玄以文名  
著正藏著碑誄銘頌詩賦百餘篇又著文章體裁大爲  
後進所寶時人號爲文軌乃至海外高麗百濟亦共傳  
習稱爲杜家新書

魏司農集 北齊鉅鹿魏季景 北史本傳著文筆二百

餘篇

李司馬治道集十卷 隋博陵李文博 本傳文博本爲

經學後讀史書於諸子及論尤所賅洽性長議論亦善  
屬文著治道集十卷大行于世隋書柳彧傳彧嘗得博  
陵李文博所撰治道集十卷蜀王秀遣人求之彧送之  
於秀秀復賜彧奴婢十口

崔著作集 隋博陵崔蹟

李黃冠文集十卷 隋中山李昭徽 北史李光傳昭徽



中山盧奴人善談論有宏辨屬文任氣不拘常則大業  
中將妻子隱于嵩山號黃冠子有文集十卷爲學者所  
誦北史同

鮑刺史集 隋鮑宏 本傳有集十卷行于世

宇文尙書集 隋河南宇文弼 本傳著辭賦二十餘萬

言

劉博士集 隋劉炫 北史本傳有擬屈原卜居爲筮塗

駁牛弘大夫降傍親期議撫夷論九品妻無再醮論自  
贊各文

明常侍集二十卷 隋平原明克讓詳上

靖恭堂銘一卷 後魏劉昞

北史自序西涼李暠立靖恭堂以議朝政閱武事焉圖  
贊自古聖帝明王忠臣孝子烈士貞女親爲序頌以明  
鑒誠之義當時文武羣公寮佐亦皆圖贊所志庚子五  
年改元建初自敦煌徙都酒泉勒銘酒泉使儒林祭酒  
劉彥明爲文刻石頌德彥明卽延明昞之字也 又按  
周書庾信傳論云朔漠胡義周之頌國都足稱宏麗河  
右劉延明之銘酒泉可謂清典其云國都頌卽統萬城



銘酒泉銘卽靖恭堂銘也

西游詩 安定胡叟 魏書本傳

統萬城銘 安定胡方回撰 文見晉書赫連勃勃記載

蛇祠碑 同上

司空李冲誄 李師尚撰見李寶傳

贈敦煌公李寶詩七首 武威段承根

沮渠東宮侍臣箴 金城宗欽 見本傳

與高允詩十二首 同上

弔比干文注 劉芳撰 本傳高祖弔殷比干文芳爲注

解表上詔付之集書

楊雄蜀都賦注 北齊河內司馬膺之 見司馬子如傳

庾信集注 隋魏澹

高祖頌 甄楷撰見甄琛傳

朋友論 後魏趙郡睦夸 本傳云少與崔浩爲莫逆之

交浩奏徵爲司徒郎中不受及浩誅爲之素服受鄉人

弔唁經一時乃止歎曰崔公既死誰能更容睦夸遂作

朋友篇辭義爲時人所稱

知命論 同上本傳云或人謂夸曰吾聞有大才者必居



貴仕子何獨在桑榆乎遂著知命論以釋之

文筆駁論數十卷 徐紇本傳孝莊初奔李於蕭衍文筆

駁論多有遺落時或存于世焉

風賦 後魏中山甄密 本傳密疾世俗貪競乾沒榮寵

曾作風賦以見意

代都賦 梁祚

觀象賦 張淵 後魏淵傳云不知何許人明占候曉內

外星分賦載本傳

平西策一卷 北齊盧思武 見本傳

文林館御覽 北齊封隆之等

續文章流別 北齊顏之推 見本傳

詞林集 隋魏澹

七聘 後魏范陽酈道元 本傳云歷覽奇書注水經四

十卷本志十三篇又爲七聘及諸文皆行于世

七諫 代郡陸曄

七醉 同上

文軌二十卷 杜正藏 北史本傳爲文軌二十卷論爲

文體則甚有條貫後生寶而行之多資以解褐大行于世



謂之杜家新書

以上別集總集

隋書經籍志補終





